

آدره من تبدیلندہ ایریجہ
۵ غروش کوندریلیدر .

مکتوبلرک امضاری واضح
واوقوناقلی اولسی وآبونه
صره نومروسی محتوی
بولونسی لازمدر

ممالک اجنبیه ایچون آبونہ
اولاترک آدرسلرینک
فرانسزجہ یازلسی زجا اولنور .

پارہ کوندرلدیکی زمان نہیہ
دائر اولدینی بیلدیرلسی
رجا اولنور

اتبعون اهدکم سیل الرشاد

صاحب و مدیر
اشرف ادیب

باش محرر
محمد طاکف

والله یهدی من یشاء الی صراط مستقیم

جلد ۲۳

۱۵ تشرین ثانی ۱۳۳۹

% پنجشنبه %

۶ ربیع الآخر ۱۳۴۲

عدد ۵۷۵

آنغلیقان کلیساسنه جواب

شرعیہ دھالت مہلبوسی طرفندہ آنغلیقانہ کلیسانہ کوندریلیمک اوزره ترقیقات و تألیفات اسلامیه ہیئت علمیہنی رئیس عالیسی شیخ عبدالعزیز
چاربسر افندی مضرتربنک تألیف بربرورقلری ہر اہمدر :

فرض اولان برنجی مرتبہدہکی اوروجدر . بو اوروج رمضان آیترینہ
مخصوصدر . بو آیدہ مسلمانلر ہر کون فجر صادقدن کونشک غروبہ
قادر بیکدن ایچمکدن وہیمی شہوتلردن اوزاق طورورلر .

اوروج فرضدر ؟ مکرگہ وجودک ضررینی ، یاخود مصالح عامہک
اضرارینی موجب اولسون ؟ یاخود مکلف اولان آدم سفردہ بولونسون ،
چونکہ سفر مشقتدر .

شارعک انسانلرہ صومی فرض قیلماسندن مقصدی ایکیدر : بری
صحی ، دیکری اخلاقی .

صحی در ، چونکہ اوروج حفظالصحة قانونلرینک طورمایوب توصیہ
ایتدیکی حمیہدن باشقہ برشی دکل . مسلمانلرک اوروجی معدنی دیکلندیرر ،
تمیزلر و بونک نتیجہسی اولہرق بدنک احوالی تنظیم ایدر ، اوکا صحت
ویرر ، عافیت ویرر ، یوقسہ ضرر ویرمن ، فتور ویرمن .

ایشتہ و اوروج طوبیتک کہ صحت بولہسکیز . حدیث شریفنک سری
بودر . بناءً علیہ ربو غایہنک حصولی ، بردہ ساعتلرہ نفسنی بیکدن
ایچمکدن محروم ایدن صائمک در حال افراطہ وارماسندن تولدایدہ جک
ضررک دفعی ایچون سنت نبویہ بوبادہ لازم کلن آداب صحیہنی بیلدیریور :

۱ - افطار تعجیل ، سحور ایسہ تأخیر ایدیلر .

آبونہ شرائطی : ہر پر ایچون
سنہ لکی (۴۰۰) آلتی آیلنی
(۲۲۵) ؛ ممالک اجنبیه ایچون
سنہ لکی (۴۵۰) ؛ آلتی آیلنی
(۲۵۰) غروشدر .

نسخہسی ۷.۵ غروشدر .
سنہ لکی ۵۰ ۴ ددر .

ادارہ خانہ : باب عالی جادہ سنہ
رشید افندی خاندہ

اخطارات
آبونہ بدلی پشیندر .

مسلمکہ موافق آثار مع المنونہ
قبول اولنور . درج ایدلہین
یازیلر اعادہ اولماز .

اوروج . - «یا ایہا الذین آمنوا کتب علیکم الصیام کما کتب علی الذین
من قبلکم لعلکم تتقون ایاماً معدودات... فن شہد منکم الشهر فلیصمه
ومن کان مریضاً او علی سفر فعدہ من ایام اخر یرید الله بکم الیسر ولا
یرید بکم العسر - سورة بقرہ ۱»

اسلامدہ اوروجک اوچ مرتبہسی واردر : عوامک اوروجی ،
خواصک اوروجی ، ابرارک اوروجی .

خواصک اوروجی قولاعک ، کوزک ، دیکک ، آتاعک ، الک ،
حاصلی بوتون اعضای بدنک کناہلردن توقیسی در . ابرارک اوروجی
ایسہ قلبک سفیل مقصدلردن ، دنیاہ عائدہ دوشونجہلردن پرهیزی
و بوتون ماسودن فراغتی در .

بوایکی مرتبہ آنحاق اوزون مدت ہوساتیلہ مجاہدہ ایدن ، نفسنہ
حاکم اولق ایچون ریاضتلر کجیرز کیسہلرہ نصیب اولور کہ بویلہلری
آزدر . بناءً علیہ سن بلوغہ کبردکلری کی بوتون ارککلرہ وقادینلرہ

۱ «ای ایمان ایدن کیسہلر ، سزدن اولکیلرہ فرض ایدلیدی کی سزمدہ
صایلی کونلردہ اوروج فرض ایدلیدی ، مامولدرکہ بوسایہدہ معاصیدن چکینر سکز...
ایچکزدن ہر کیم رمضان آیتدہ حاضر بولونورسہ اونی اوروجی کجیرسین ؛ کیم
خستہ لایر ، یاخود یولجی اولوردہ اوروج طوتامازسہ طوتامادینی کونلر
صایسینجہ دیکر کونلردہ اوروج طوتار ، الله سزلر ایچون قولایلق مراد
بو یوریور ، یوقسہ حقکزدہ کوجک دیلہ میور . »

۲۔ طائی، یاخود، میوہ نوعیدن آزرشیلہ افطار اولندقن صوکرہ
آقسام نمازی قیلیر و آرقہ سندن اعتدالہ رعایت شرطیلہ یک ینیلیر .
۳۔ یاتسو نمازیلہ آرقہ سندن تراویح دینیلن یکرمی رکعت نماز
قیلہادجہ یاتیلماز . بہ نمازلر ایسہ یکدن بر، بر بوجوق ساعت صوکرہ
ادا اولنور .

۴۔ بونمازلرک اداسندن صوکرہ او یوقو مستجدر . زیرا معلوم
اولدییی اوزرہ جسمک اکثریتلہ غدائی تمیل ایتمی آنجاق او یوقو آره سندن
اولور . عوامک بوتون رمضان کیجہ لری او یوقوسز کچیرملری طوغرو
دکدر و ضرر محضدر .

۵۔ سحور سندر . بوده اوروج طونان کیمسہ نک فجر صادق
آز اول افراطہ و ازماق شرطیلہ ییہ جکی یکمدر .

۶۔ اوروج طونان آدام آنجاق صباح نمازندن صوکرہ یاتار .
برده کیجہ نک بوتون ساعتلرنده جناب حقک عبادینہ حلال قیلدییی
ییہ جکدرلہ مشروع اولان آرزولرک هبسی صائم ایچون مباحدر .

ایشته صائمک بدنی فریضہ صومدن سخت وعافیت اعتباریلہ مستفید
اولق ایچوندر کہ شارع حکیم بونظامی بیلدیر یور محللرند، ذکر ایدیلہ جک
احصائیادن صراحۃ آکلاشیلہ جفہ کورہ دنیانک هر طرفندہ کی انسانلرک
اک اوزون عمر لیلری الک چوق اوروج طونانلردر .

اوروجک تأمین ابتدییی اخلاقی فائدہ لرہ کلنجہ شونلردر :

۱۔ نفسی آرزولرینہ قارشى مقاومتہ آیشدیر .

۲۔ آجاق المنی طویمق خصوصندہ زنکین فقیرلہ برلشیرده سفاکدر،
احتیاجلر ایچینده قیورانان بیچاره لرک جکدیکی صیقیتلری آکلامایہ
باشلار . دیگر طرفدن فقرا کرومی ده شونی ادراک ایدر کہ جناب حق
رفاد ایچنده باشایان اغنیائی ده اخلاقلری تہذیب ایدہ جک ، یورکلری
رقہ کتیرہ جک ، الاربی خیراتہ مبراتہ آچیق بولوندرہ جق ، ینلرینہ
چوکن غفلت وغروری کیدہ ر جک برطاقیم عبادات ایلہ مکلف بویور یور .
۳۔ حادثانک سوقیلہ کونک برندہ ییہ جکدن ، یاخود ایچہ جکدن
محروم قالہ جق آدامہ آچلہ ، صومزلرلہ تحمل قدرتی ویرز .

۴۔ انسانى ایجابندہ حدتی ینہ ییلہ جک و هر هانکی برسیدن
طولایی غلیانہ کن غضب حسنک زبونی اولمایہ جق حالہ کتیر . زیرا
اوروج طونان آدامی آجاق ، صومزلق خیرجین ایدر ، یتیز ایدر .
ایشندیکی آجی برسوز ، کوردیکی چیرکین بر منظرہ ایلہ باشقہ لرندن فضلہ
متاثر اولور . ایشته بویلہ بر زمانده حقارتہ ، قنایہ معاملہ یہ معروض قالیرسہ
بن اوروجلیم ، بن اوروجلیم . ، دینہ لرک حسیانہ او یماق حقندہ کی
امری نبوی بی خاطرلار .

۵۔ انسانى اخلاص ایلہ و طاعتندہ ، عباداتندہ ریادن مجاہدیلہ
مألف ایدر . چونکہ اوروج کتیری بر عبادتدر . دیگر عبادتلر کی

آناری اعضای بدن اوزرنده کورونمز . بونقطۃ نظر دن الله ایلہ قولی
آره سندن برسر در . ایشته الصوملی و انالذی اجزی بہ - اوروج بنم
ایچوندر ؟ واونک مکافاتی ویرہ جک آنجاق بنم . ، حدیث قدسیسنک
معنایی ده بودر .

۶۔ بوتون شهوات بدنہ دن کری طورمق و دیگر حیوانلردن
تمیزینہ مدار اولان مایهیت روحانیہ سنی کندنده طویمق صورتیلہ هر
سنہ معین بر زمان ایچون ملکرہ بکزر .

شو ایضا حادتن آکلاشیلہ جقدر کہ اسلامده بری بدنی ، دیگرى
اخلاقی اولق اوزرہ اوروجدن ایکی مقصد وار . بو مقصدلر باشقہ
دینلرده یوق . زیرا اولنرده اوروج آنجاق کناهلردن طولایی توبہ
وندامت نیتیلہ طوتولیور . بناء علیہ بونلرہ کورہ صومک روحی اولجہ
ارتکاب اولنان خطاظر سبیلہ وجودی تعذیبدن عبارت . حتی بوادیان
ایلہ متدین اولانلر ایچنده اوروجی اولوم درجہ سنہ کوتورنلر بیلہ وار .
حال بوکہ اسلام قطعاً بوکا مساعده ایتمز .

صوکرہ اسلام اوروجلری صاچہ سوزدن ، مناسبتسز حرکتدن ، ایلہ ،
دلیلہ ، کوزیلہ اوتہ کنی بریکنی ایچیتمکدن صاقینایہ وکین ، بغض ،
حسد کی نه قادر اخلاقی خستہ لقلر وارسہ قلبی جملہ سندن بک طوتمایہ
تشویق ایدر .

مجموعہ - دین اسلام استطاعتی اولانلرہ مکہ مکرمہ یہ هجی امر
ایدیور . هیچ مکلف اولان انسانہ عمرندہ بر کرہ اولق اوزرہ فرضدر .
بر دفعہ دن ماعداسی مجبوری دکدر . اسلام هجک زمانى ده کوسترمش
واویلہ سنہ نک راست کن موسمندہ بوفریضہ نک اداسنہ مساعده ایتمہ مشدر .
بودہ جهانک هر طرفدن مکہ یہ کلہ جک مسلمانلرک بری بیلہ بولوشمالری ،
طائیشمالری ، متقابل مرحمت و محبت حسیلہ متحسس اولمالری ایچوندر .
بناء علیہ اجتماعی وجهہ سى اعتباریلہ هیچ مسلمانلری بری برینہ ایصیندیرہ جق
وآره لرندہ کی ، جناب حق طرفندن موضوع ، اخوت دینہ رابطہ سنى
تحقق ایتدیرہ جک وسائلک الک معظمیدر . ذاتاً ، اولجہ ده سوبیلہ مشدک .
مسلمانلق اولیلہ ادیان سائرہ کی انسانلری قارشدلک دعوتلہ اکتفا
ایتمش ده بوغایہ یہ ایریشدیرہ جک یولی کوسترمہ مش دکل . او ، بالعکس
بو رابطہ نک تحقق و تأیدی ایچون مقتضی بوتون واسطہ لری مشروع
قیلمش کہ هیچ ده بوجله دندر .

حاجیلر مکہ یہ کیدرلر و احرام اشناسندن هبسی بردن دیکیشملی
الہ سندن صویوندرق لباسلرک الک سادہ سنى کیرلر کہ بوده بری بلہ
قوشانیلان ، دیگرى ده اوموزہ آتیلان ایکی بیاض اورتودن عبارتدر .
آرده صنف ، طبقہ ، رنگ فرقی اولمقسزین بوتون حاجیلر بومصورتلہ
حرکت ایدر . مشبوع ایلہ تابع ، اشراف ایلہ آحاد ، اقدی ایلہ خدمتکار ،
عالم ایلہ جاہل ، زنکین ایلہ فقیر تمامیلہ مساویدر .

حجت تأمین ایدہ جکی مقاصدک باشلیجہ لری شونلر در :

۱ — دمین دہ سو لدیکمز کبی دنیانک درت کوش سندن حج موسمندہ مکہ کان مسلمانلر بری بریلہ بولوشوب طاید شیرلر .

۲ — بر زمانلر صنملرلہ، ہیکلرلہ، حاصلی شرکک بوتون تظاہراتیلہ طولان و مختلف الہلر نامہ کونا کون آینلر اجرا ایدیلن برلری کورورلر دہ او وقت ادراک ایدرلرکہ علیہ الصلاة والسلام قندیز یومبارک طور اقلری شرکک لوئندن تمیزلہ نیجہ قادار نہ معظم ، نہ سورکلی رجہاد آچمش! دین توحیدہ استقرار ویرہ ییلنک ایچون نہ یامان صیقیتیلرہ قاتلانمش! بو اوغور دہ قومک ییللرچہ دوام ایدن اذاسنہ، جفاسنہ ناصل کوکس کرمش دہ عزمی قور کورمہ مش ، ہمتی ضعفہ اوغرامامش! حاصلی حرب ایلہ ، ضرب ایلہ ، صبر ایلہ ، ثبات ایلہ بوتون دوشمانلرینہ غلبہ چالشدہ نہایت فتنہ لہ ، شورشلرلہ اورتہ دن قالقہ رق دین الہی بر یوزندہ استقرار بولمش .

۳ — مختلف قطعہ لرن کان مسلمانلرک عینی مرکزہ تلاقیسندن بوتون عالم اسلام ایچون بر چوق فوائد استحصال ایدیلر .

۴ — حج ایدن آدم اوائیادہ متنوع دعالر اقومق، اللہ رضایی ایچون قربانلر تسمک ، بہمہ حال بر یغین شدائد سفرہ قاتلانمش ، کنہا لردن تمیزلہ نہ رک ، تمایلات و شہوات سفیلہ دن اوزاق طورہ رق کہ کلرک ، برلرک خالقہ توجہ دہ بولنمش .. حاصلی مکلف اولدینی بوتون ارکان و آداب حجی رینہ کتیرمک یوزندن تہذیب اخلاقی بہ مظهر اولور .

حجک وجوبی ایچوندہ بر طاقم شرطلر وار: یول مصرفہ قدرتی اولہ جق . غیبتی مدتیجہ اولاد و عیالی کچیندیرر مقداردہ نفقہ ترک ایدہ بیلہ جک . صحتی اعتباریلہ سفردن عاجز بر حالہ بولونماہ جق ، حج یولندہ تہلکہ کیہ ، یا خود بر دوشمانلہ معروض اولماہ جق و غیر مشروع ہیچ بر ویرکی اودہ مک اضطرارینی کورمہ جک .

حقیقتدہ ارکان و آداب حجک خلاصہ سی تلبیلہ لرلہ، مختلف دعالرلہ، نیازلہ اللہ مناجادن عبارت بو خصوصہ سنت محمدیہ نک بیلدیردیکی مأثور بر طاقم دعالر وارکہ حجہ کیدن آدم بوتون آینلر آرہ سندن مثلاً احرامہ صوبونورکن، مسجد حرامہ کیرکن واورادن چقارکن، طواف ایدرکن ، سعی ایدرکن ، جبل عرفاتہ وقفہ بہ طورورکن اونلری او قور . بو دعالر دن ری شودر : ۱] واللہم یاربیع الدرجات و منزل البرکات و یا فاطر الارضین والسموات ضجت الیک الاصوات بصنوف اللغات یسألونک الحاجات وحاجتی الیک ان تذکرنی فی دارالبلاء اذ نسیت اہل الدنیا . اللہم انک تسمع کلامی وترى مکانی وتعلم سریری و اعلانیتی ولا تخفی علیک شیء من امری انا البائس الفقیر المستغیث

۱] احیاء العلوم جزو ۱ صفحہ ۱۸۱

المستجیر الوجہ المشفق المعترف بذنبہ اسألك مسألة المسکین و ایتہل الیک ایتہل المذنب الذلیل دعاء من خضعت لک رقبته و فاضت لک عبرتہ و ذل لک جسده و رغبہ لک انہ . اللہم اخرست المعاصی لسانی فالی وسیلہ من عمل ولا سقیم سوی الامل . الہی انی اعلم انا ذنوبی لم تبقی عندک جاہاً ولا للاعتذار وجہاً و لکنک اکرم الاکرمین . الہی ان لم اکن اہلاً ان ابغ رحمتک فان رحمتک اہل ان تبغنی فرحمتک و سمعت کل شیء . یامن لیس معہ رب یدعی ویا من لیس فوقہ خالق یحشی ویا من لیس لہ وزیر یقصد ویا من لیس لہ حاجب یرشی . یامن لا یزداد علی کثرۃ السؤال الا جوداً و کرماتاً و علی کثرۃ الخوائج الا تفضلاً و احساناً . اللہم ان لکل وفد جائزۃ و لکل زائر کرامۃ و لکل سائل عطیۃ و لکل راج ثواباً و لکل ملتئم لما عندک جزاء و لکل مسترحم عندک رحمۃ و لکل راغب الیک زلفی و لکل متوسل الیک عفواً و قد وفدنا الی بیتک الحرام و وقفنا ہذا المشاعر العظام و شہدنا ہذہ المشاهد الکرام رجاء لما عندک فلا تخیب رجاءنا . ۱]

۱] ای درجاتی یوکسلن اللہم ، ای برکتلری ایندیرن ، کوکلی رلری یارادان خالقہ ، سسلر درلو درلو لسانلرلہ کورولمہ بوب سکا طوغری یوکسلرور ، سندن حاجت دیلہ یور . ہم دیلہ کمدہ اہل دنیا طرفدن اونودولدیئم دار امتحاندہ سنک بنی آ کتلفکدر . یارب، سن ہم سوزیمی ایشیدیورسین ، یریمی کوریورسین ، کیزلی ، آچیق ہم وارسہ بیلورسین . ہیچ برایشم سندن صاقلی دکل . بن بیچارہ ہم ، فقیرہ ، عنایت ایستہ یورم ، امان دیلہ یورم ، قورقور یورم ، کنہا لری اعتراف ایدیورم . یارب، سندن بریچارہ ناصل ایسترسہ بندہ اولہ ایستہ یورم ، ذلیل برکنہا کار سکا ناصل یالواریرسہ بندہ اولہ یالواریرورم . حضور عظمتکدہ بونی بوکش ، سنک ایچون کوزلرندن یاشلر بوشانان ، سنک اوغورندہ بوتون وارلغی ذلیل ایدن ، سنک ایچون بوتنی طور اقلرہ سورتن برقولک سکا ناصل دعا یلدرسہ بندہ اولہ دعا ایدیورم . یارب، معاصیدن دیلم سویلہ من اولمش . سکا توسل ایدہ جک بر عمل اولمادیکی کی املدن باشقہ شقیمدہ یوق . اللہم ، بیلورم کہ ، ایشلدیکم کنہا لری یوزندن ، نہ حضور عظمتکدہ موقع ، نہ دہ سندن عذر دیلہ جک یوزم قلامش . لکن سن اک کریملرک اک کریمسین . الہی بن رحمتک یتیشہ ییلک ایچون اہل دکلہم رحمتک بکا یتیشہ بیلر . چونکہ سنک رحمتک ہر شئی قوجا قلابہ جق دوجہ لردہ کنیش . ای یانی باشندہ کندیسندن استمداد ایدیلہ جک باشقہ الہ اولمایان اللہ ! ای اوست طرفندہ دیگر بر قور تولہ جق خالق تصور ایدیلہمین خلاق ! ای یانہ واریلہ جق وزیری ، اطماع ایدیلہ جک پردہ داری بولونمایان مالک الملک ! ای دیلکچر چو غالدقہ احسانی ، کریمی چو غالان ، حاجتلر آرتدقہ اناسی ، فضلی آرتان اللہ ! یارب ، ہر قافلہ نک جائزہ سی اولور ، ہر زیارتچی بہ اکرام ایدیلر ، ہر ایستہ بہ عطیہ و یریلر ، امید ایلہ کنتہ ثواب احسان اولونور ، نامتناہی جود کدن طلبدہ بولونانلرہ مکافات ، رحمت ایستہ یلرہ رحمت، سنی دیلہ یلرہ قرب ، سکا توسل ایدلرہ مغفرت رایکان بیورولور . بزل سنک بیت حرامکہ کلک ، شو بویوک مشاعرک قارشیندہ طور دق ، شو مبارک مقاماندہ حاضر بولوندق . امیدیمز نزد احدیتکدہ کی لطف و عنایتدن نصیب آلمقد . یارب ، امیدیمزی بوشہ چیقارمہ .

زلفات و صفات — دنیا به بر دین یوقدر که ایله که واحسانه تشویق ایتسین؛ آجاق بو خصوصه کی احکام و تعالیمی اعتباریله هیچ بری اسلامه یتشه من. اسلام، فقرا ایچون زینکینلرک مالنده — فقه کتابلری طرفندن بیلدیرین شرائط موجبجه — معین برحق طائیور. حتی بو قاداری ده کافی کورمیه رک صله رحم کی، اقربایه معاونت کی، طوللر، اوکسوزلر، رفیق و مرحمت کی دهنا بر جوق اییلکلیری توصیه ایدیور. بوندن باشقه، فقر و احتیاج اربانه طغیدلیق لوزر، عقوبات فصلنه نقدی، مالی متنوع جزالر قویمش بولونیور.

دین اسلام فقرایه مادی معاوتی فرائضک باش طرفه کچردن و بونی قطعی و ثابت برحق بیلرک مال صاحبیلرندن حقوق و تکالیف سائر کی اداسنی طلبده بولونان ایلک دیندر. شو حالده اسلام دیگر دینلر کی ایله که، احسانه، اوکسوزلری، طوللری حمایه به ترغیب ایله اکتفا ایتدیور؛ بونی مکلف اولاندردن هر درلو واسطه ایله استیفا سی لازم برحق شرعی طائیور. ایشته بونک نتیجه سیدر که نه زمان وزده اولورسه اولسون بو فريضه نك اقامه سنه اعتنا ایدن اقوام اسلامیه نك افرادی آره سنده کرک فقر و سفالت، کرک فقرانک اغنیایه قارشى بسلدیکی غیظ و کین، باشقلرند اولدینی قادار دکل، هان هیچ بوق کیدر. چونکه فقر و ضرورتک امتلری نه حاله کتیره چکی و بویوزدن فردی، اجتماعی، سیاسی نه مدهش مفاسدک میدان آله جنی دین اسلامک نظر احاطه سندن قور تولامشدی.

اشتراکیون مذهبک تأسندن بری غریبلر فقرانک دردیه مشغول اولیورلر؛ بیچارلری آزن سفالت قارشى حرب آچیورلر. بر طرفندن طور مایوب مؤتمرلر وجوده کتیریورلر. بلای ضرورتی اورتدن قالدیرمق، بشرک بویوک برقسه نی بو آفتک نیجه سندن قورتارمق ایچون دوشونه بیلدکاری تدابیری نثیت ایدیورلر. بونکه برابر، دائما کورمکده یزکه، سفالتک طیرناقلری دنیانک هر طرفنده بو زوالی طبقه نك مظلومه قانی ایچنده یوزمکدن برآن بیله خالی دکل! غریبلر بر جوق دوشونجه لر، بر جوق تدبیرلر، بر جوق قرارلر، رغماً بشرتی بو فلاکتک تحمل ایدیله من حاله کلن دهشتندن قورتاره بیللمکده کی عجزینی کوردی. او یله یل! عجباً مفرط اشتراکیلک؛ قومونیسنلک، بواشه ویکلک نه در؟ بو اقوامک میدانده کزن درده قطعاً مؤثر برچاره بولمده کی عجزلرندن متولد نسا ایچدن باشقه شیر میدر؟

فقر و سفالتک طوغوردینی فردی، اجتماعی، اخلاقی خسرانلر اشتراکیونک آثارنده تفصیل ایدیور و بو خصوصه بک قورقونج حقیقتلر بیلدیریور. ضرورت انسانلر آره سنده فحشک یا ییلما سنه بادی اولیور. چونکه

بر جوق کنج قیزلری، بالخاصه کوزلرینی، درد احتیاج ابتذاله دوشورویور؛ قدر وحییتلرینی فدا ایتک صورتیه تأمین معیشت بوله سوق ایدیور. اولرده بولونقلری مرتبه عزتدن اینه رک ذلر، محقریتلر ایچنده سور و کله نیورلر. جانسز متاع کی الدن اله دولاشایه، صرف بهیمی هوسانی یا نیشدیرمق ایچون آرامایه باشلایورلر. اونه فبیج عاقبت! اونه سفیل موقع!

شیقاغوده انعقاد ایدن مؤتمرک بیانیه کوره بوملککنده یکرمنچی عصرک بدایتده حکومت هرسنه درت میلیون دولار ویرکی ویرن اون بیک فاحشه وارمش. مع مافیه مؤتمر الند. کی تقریرلرک مندرجاتی، انسانلق شرقه طوقونه جق درجه لرده فجیع اولدینی ایچون، نشر ایتمکدن چکینیور. حال بو که شویلدیکمز مدهش رقم شیقاغو حکومتندن صورت رسمیه ده رخصت المقتسزین فحشه دو کوللره طبعی شامل دکل. یوقسه بریکیلرک یکنوی اونه کیلردن جدأ بک فضله در.

ضرورت فحشک بو یکرمنج شکلی طوغوردقندن باشقه زوج ایله زوجه آره سنده کی مناسباتی ده فساد و بریور؛ اقوامک، جماعتک چوغنده طلاق، یا خود رسمی افتراق انتاج ایتدیکی کی غیر رسمی اوله رق نامتناهی آریقلره سبب اولیور. ۱۹۱۲ سنه سنده اکثریتی ضرورتدن تولد ایتل، اوزره انکلترده ۹۵۰ طلاق و محکمه قراریه ۳۵۰۰ افتراق وقوع، کلش. حکمه استناد ایتمین آریقلرایسه بونک قات قات فوقنده. ۱۸۸۷ دن ۱۹۰۶ تاریخه قادار کچن ۱۹ سنه طرفنده آمریقا حکومت متحده سنده کی طلاقک مقداری ۹۴۵۶۲۵ ی بولش که بو عدد عینی مدت ایچنده عقد ایدیلن ازدواجلرک اون برده برینه بالغ اولیور. مع مافیه غیر رسمی مفارقتلر، برده محکمه حکملاریله وقوع بولان تقریرلر بو حساب داخل دکل.

ضرورت سائقه سیله میدان آلان جنایاته کنججه، منتظم حکومتلر طرفندن هرسنه بوبابد اجرا ایدیلن احصائی تدقیقات اوله آجی حقیقتلر بیلدیریور که بونلرک قارشیسنده انسان مسلمانلغک وضع ایتدیکی زکات و صدقات قانونلرینک قیمتی در حال آکلا یور.

موضوع بحث اولان جنایاتک بورا جقده یالکنز انواعی بیان ایله اکتفا، بزم ایچون ممکندر: ۱- اتحار، ۲- تزویر، ۳- سرقت، ۴- یول کسمک، ۵- قتل، ۶- سیاسی فوضی و اختلال.

ضرورت دینلن بوقورقونج آفته قارشى کله بیلمک ایچون اجتماعون بر جوق واسطه مراجعت ایدیورلر؛ لکن دمن سویلدیکمز وجهله موفق اولامایورلر. اوت، بو مقصدله شرکتلر، اتحاد تجاری جمعیتلری، دینی جماعتلر، منع مسکرات هیئاتلری وجوده کتیردیله رده هیچ بر فائده کوره مدیلر. بعضیلری ده فقرک کسدرمه علاجی فکرلری تربیه ایدرک انسانلره ایچنده بولونقلری محیطدن، شرائطدن ناصیل

استفادہ اولونہ جغنی اوکرت مکدر، دیدیلر و فردلرہ اعتماد نفس حسنی تلقین ایدہ جک برطاقیم تدبیرلرہ بولونیلر۔ لکن اسکی نسللرک بیراقدینی اقتصادی، اجتماعی قانونلر پایدار اولدقجه بوکی واسطه لرک عجزدن باشقه برشی کوستره میه جکی اشترا کیونک تأییدیلہ ایجه آکلاشیلدی۔ اسلامه کلنجه، او، ضرورت دینلن خسته لک ماہیتی بیلدی و مددواتی ایچون کوستردیکی اصول ایله فقرانک فلا کتنی تہوین ایتدی و زنکینلرہ بونلر آرمسندہ کی حیاتی احتیاجات و مناسباتک تکثیری خصوصندہ بک حکیمانہ طاوراندی۔ لکن دنیا مالی اعتباریلہ انسانلرک عین سویہ بہ کتیرلسنه کلنجه اسلام بونی قبول ایتک شویله طورسون، مادہ و عادتہ محال اولدینی کورور و بشری بوفکر اطرافندہ طوبلامق ایچون اوغراشان مفرط اشترا کیون حماقنه حکم ایدر: «ورفعنا بعضهم فوق بعض درجات لیتخذ بعضهم بعضاً سخریاً» - سورہ زخرف، ۱[صوکرہ، دین اسلام افرادی حق تملکندن منع ایتیمور؛ بونکله برابر احتکاری، غبن فاحشی قطعاً تحریم ایله مرتکبلرینی معاقبہ بولونیور و بوضورتله بشر آرمسندہ عدل اقتصادی بی تأمین ایتیش اولیور۔ معلومدرک قادیلرک اشتراک قبول ایتیشی، جو جوقلرک دہ آنالرینه، بابالرینه عائد اولمایوب جماعتلرہ نسبت ایدلسی کی اولجه اشترا کیوندن سن سیمونک ایلری سوریدی، صوکرہ لری دہ روس بولشویکلرینک طرفدار اولدینی فکرلر مسلمانلرک روحیلہ طابان طابانہ ضددر۔ ذاتاً هیچ برذوق سلیمک قبول ایتدیکی و فطرت بشرک طوبدقجه اورپردیکی بوکی دوشونجهلر بوتون دیگر متمدن ملتلر طرفندن دہ رد اولونمشدر۔ خلاصہ، مسلمانلرک کی زکاتلر، مجبوری ویرکیلر، مؤکد صورتدہ توصیہ اولنان صدقہلر دنیانک هر طرفہ داغیلیمش میلیونلرجه خلقی فقر یوزندن کله جک ضعف بدنن وضیق مسکندن قورنارمق، صوکرہ، جماعات بشریہ بی سفالتک طوغوره جغنی عمومی فلا کتلردن، اختلاللردن، اخلاقی شورشلردن، بویوک بویوک جنایتلردن قورومق ایچوندر۔ اسلام اغنیایہ قارشی فقرانک سینہ سندنہ کی غیظی، حسدی، کینی قالدیروب یرینہ فردلرہ و عائلہ لرہ الفت، محبت، سروریرلشدیرمک غایہ سنی تعقیب ایدیور۔

شریعت اسلامیہ انواع زکاتی شو صورتلہ بیلدیرمشدر:

۱- ایش کورمیوب صالمہ کزن حیوانانک زکاتی۔ بونلر صاحب لری طرفندن کندیلرینہ یم ویریلیوب یالککز دول ایچون محافظہ اولنور۔ دوه، صغیر، قویون بو قسمہ داخلدر۔

۲- هر کونکی غدایی تشکیل ایدن حیوانات ایله خرما و اوزومک زکاتی۔

۱[انسانلردن بر قسمی دیگرینہ ایش کوردیرم بیلک ایچون بعضیلرینک درجه سنی بعضیلرینک اوسته کپیردک۔

۳- آلتون و کوموش نقودک زکاتی۔

۴- اموال تجاریہ نک زکاتی۔

۵- طوبراقدن چیقاریلان آلتون و کوموش معدنلریلہ ینہ طوبراق آلتندہ بولنان اسکیدن قالہ دقینہ لرک زکاتی۔

۶- زکات فطرکہ رمضان بایرامی کونی کندیسنک و عائلہ سنک بیه جکندن بر اولچک فضلہ سنہ مالک اولان هر مسلمانہ واجبدر۔ برده هرکس کندی حسابنہ بوزکاتی ویرہ جکی کی نفقه سی اوزرینہ واجب اولان باباسنک، آناسنک، زوجہ سنک، جو جوقلرینک حسابنہ دہ ویرہ جکدر۔

صوکرہ دہ کفارت دینیان مالی برطاقم ویرکیلر وار۔ اوروجی فسادہ ویرمک، یمقندہ حاث اولمق کی شیلرک کفارتی ک بونلر دہ فقرا و بیچارکانہ ویریلر۔

فرض اولمایان صدقہ لرہ کلنجه علیہ الصلاۃ والسلام اقدیمز صدقاتک بو قسمنہ بک جوق تشویقندہ بولونمشلردر۔ «کل امری فی ظل صدقہ حتی یقضی بین الناس» ۱[و ابوالدردایہ خطاباً ایراد بوبوریلان «اذا طبخت مرقۃ فاكثر ماها ثم انظر الى اهل بیت من جيرانک فاصبهم منه بمعروف» ۲[ارشاد نبویسی ایله «لیس المسکین الذی ترده التمرۃ والتمران واللقمۃ واللقمۃ انما المسکین المنعطف» حدیث شریفی بو بابدہ برر نمونہ در۔

زکات اچقہ سنک صورت صرفی شویلدر:

۱- فقرایہ۔ فقرایہ مالی، نده قازانمایہ قدرتی اولمایان کیمسه لردر۔

۲- مساکینہ۔ قازاندینی شی نفقه سنہ یتیمه ین کیمسه لردر۔

۳- زکات مأمورلرینه۔ بونلر زکاتک قبضنہ، نقلنہ، حفظنہ، مستحق اولانلرہ توزیعنہ باقارلار۔

۴- رقبہ سنی قورنارمق ایچون کندیسنی مکاتبہ یه ربطایتدیرمش کولہ لرہ۔

۵- نامشروع بریرہ صرف ایتیمک شرطیلہ بورجه کیروبدہ اودہ یمین کیمسه لرہ۔

۶- حکومتدن کندیلرینہ برشی ویریلہ ین کولکلی عسکرلرہ۔

۷- اسلامه ایصندیرمق ایچون مؤلفہ لقلونہ۔

۸- غیر مشروع رمقصدلہ اولمامق اوزرہ سفر، چیقاران بولجیلرہ۔

ایشته زکاتک صورت صرفی حقندہ قرآن کریمک صراحق بویولده۔

أوت، عالم اسلام دینک بورکن مکیننی محافظہ ایتدیکی مدتجه عزتک، شوکتک منہاسنی بولمشدی۔ بونکله برابر مصدردہ، جاواده، طرابلسدہ،

۱[انسانلر آرمسندہ حکم اولونجه یه قادر هرکس کندی صدقہ سنک ظل جایه سندنہ بولونہ چقددر۔

۲[چوربا پیشدریکک زمان صوبینی بولجه قوی، صوکرہ باقی دہ مشورلرکدن برعائلہ خلغنہ اوندن حصہ آیر۔

بایه جانی شی وحدتی قیرمق، شقاقی آرتیرمق، اصولی انکار، فروعی تجرید، استقامتدن انحراف، تشبیهات مجردیه تبعیت صورتیه وجدان امتی اجنبی وجدانله تمیز ایتک وهذیت امتی رفع ایدجک بدعیاته یول آچق اولیه جقدر. تجدد بزه نفرت دکل، محبت زرق ایدجک، هراس دکل، امنیت کتیره جکدر. هر عصرک تاریخی کوزلجه ضبط ایتک وواتارینجده، اسباب وعلل شرعیته ک قیمت عملیه و نتایج اجتماعیه لرینی تدقیق، و بو صورتله عصر سابقک برفذالکسنی بابوب عصر آتینک احتیاجاتی تعیین ایله مک، ایشته ورثه دنیا اوله جق علماء دینک وظیفه لری بودر. بواحتیاجات، بعضاً نظری، بعضاً عملی قیمتلی حائر اولور. احتیاجات نظریه علمی، احتیاجات عملیه عملی شخصیتلر ایستیرکه مجددر ایشته بو شخصیتلردن ظهور ایدجک و بو شخصیتلر امتک هذیتندن یتشمک لازم کله جکدر.

کلام و حکمتک بالجه علوم و فنون و کافه عتلیات ایله، فتهک تشریعیات و اجتماعیات ایله، حدیث و تفسیرک اخلاق و ادبیات و بتون جهات دینه و انسانییه ایله اولان علاقه لری تقویه و تمیه اولور؛ بر جهتدن حق و باطلک، بر جهتدن ده حسن و قبحک معیارلری توضیح و تعمیم قیلنیر؛ و حالدن مأیوس اولان کواکملر استقبال ایچون بر عشق جاودانی بخش ایدجک منیلر، مفکوره لرله اشباع قیلنیر. علم و عقل، شئون جدیده ایچنده وجدان اجتماعیک بقای وحدتی تحت ضمانه آله رق ضروریات دینه و اجتماعی تقویه ایدر، حیات ده نفس اجتماعیک بو وحدت ایچنده عشق و هیجانی تحیقلا، تنافر کیدر، رینه تجاذب کلیر. ارواح و قلوب لوا محمد احمدی الننده طوبیلا نیر، ظل عرش الرحمنده اوپوشوب قوقلاشه جق بر حیات جاودانی اکتساب ایلر. آرتق (اشهد ان لا اله الا الله و اشهد ان محمداً عبده و رسوله) کلمه شهادتی آغزندن چیقوب هوایه منقلب اولماز. بتون مغاسیله کواکملر ده، و جمیع اعضای مکلفه ده کمال شهود ایله رقص ایدر. غلغله تکبیرک هیجانیلر مارش اولور. دیدار اید کورونور، ذوق فنا هیچله شیر. بو دیدار مواجهه سنده انسایت عشقندن عشقه، فیضدن فیضه قوشه رق عصر تالیده ده یوکسک برکال ایچون حاضر لانی. (للذین احسنوا الحسنی و زیاده لایه رق و جوههم قتر ولا ذله اولئک اصحاب الجنة هم فیها خالدون) سری هویدا اولور.

پیغمبر ذی شان اقدمز حضرتلری بزی بو صورتله طول امدک فنون و قسوتندن قورناراجق بر وعد الهی تبشیر ایتمش و فی الحقیقه زمان زمان بو وعد الهی تحقق ایدرک بیضه اسلامی صرقتن عرقه، مملکتندن مملکت کتوره منشدر. بیک تاریخنرندن بریدرکه بزیضمزی بودستورده آرامدق و اونک ایچون ضامن بقا برتجددندن محروم قالدق. هوس ایتدیکمز تجددلر، هپ تجدد موت کی آجی برتبدل اولدی.

تونسده، مغرب اقصاده حالا بوفریضه یی ادا ایدن جماعتلر موجود. سنه یتدیمی، یاخود حصاد وقتی کلدیمی باقارسین، ماملککری ایچندن اللهه عائد اولان حصه یی چیقاروب فقرایه، مساکینه طاغیدرلر.

زکات فطره کله بونی ویرمه یی هیچ بر مسلمان طانیما یورز، مکرکه قدرتی اولماسین. بوسایه ده درکه فقرای، محتاجینی رمضان بایراملرندماشن، شاطر کورورز. قربان بایراملرندماشن قدرتی اولانلرک کسیدی حیوانلردن ارباب فقره اصابت ایدن پارچهلر صاحب لرینه قالدندن چوق زیاده در.

افراد مسلمین آره سنده کی متقابل و داد و محبت رابطه لرینی تأیید ایچون اسلامک تثبیت ایتمش اولدینی حقوقی کتبیمزک اوچنجه قسمنده سویلیه جکمز.

تجددک شرعاً لزومی و شرائطی

متفکرین علمای اسلامیهدن المالیلی حمدی افندی حضرتلری طرفندن نشر اولونان (تحلیلی تاریخ فلسفه: مطالب و مذاهب - مابعد الطبیعه و فلسفه الهیه) عنوانلی اثرک مقدمه سندن:

شیمدی مبادی علمیه و عقلیه سی ثابت و محفوظ اولان دینزه بو تجدد ناصیل کله بیلیر؟ فکر بدعته قارشو مهاجم اولان دین مین بو تجددی فصل تأمین ایدیه یله جک؟ شونی ابی درخاطر ایتک لازم کلیرکه اول و آخر سویلیدیکم وجهله تجدد، تبدل و تحریف دکلدر. اسلامده الک بیوک دستور دستور وحدت اولدینی ایچون بتون مبادی سائر بودستور وحدتک جهت انکشافی نقطه نظرندن عامل اولاجق و بتون تجدداتده بو نقطه نظر محفوظ طوبیله رق هذیت امت محافظه ایدیه جکدر. بو صورتله هر عصرده واقع اولان فکری و مادی حادثات بر تجربه نقطه نظریله تدقیق ایدیلوب مبادینک صور تطبیقه سنه ارجاع نظر اولنه جق و بو صورتله بر طرفدن تجربی و استقرائی، دیگر طرفدن عقلی و استنتاجی مضاعف بر سیر ایله جهت تلاقی اوله جق و بو صورتله حیات امته شعوری و بالاشعوری اوله رق کیرن شئونات جدیده تک نسب هیجته دینه و شرعیته سی تنقیح و تثبیت اولنه جق، و عوارض مهله که اولان بدعتلرله، اسباب حیاتیه دن اولان انکشافات جدیده بالتفریق بریسی طی و بریسی تقریر ایدیه جک، نهایت عقول ایله حسیات توحید اولنه رق و وجدانله یکی احتیاجلری تطمین ایدن یکی برنشوه شطارت و امنیت ویرلمک خصوصه اعتنا قلنه جقدر. مبادی منصوصه محفوظ طوبیله جق و فقط تفریعات و تطبیقات نقطه نظرندن یکیکلرک حصوله کله جک، ده اوطوغریسی بزمسه یه جکمز یکیکلرکله بزمسه یه میه جکمز یکیکلرک حدودی آیرلق کی بر انکشاف و جدانی الله ایدیه جک و بو طریق ایله نفس اجتماعی فترت و شقاقندن قورتیله جقدر. مجددک